

Te laata 'toa, e ere te Ta-
vava e te haava, o tei hi-
uaro i te hoe hohoa o tei-
enci *vea*, aufau mai ia e
3 farane no na avae etoru.

Faaau mai ia Tepito te ne-
nei parau i Papeete.

TE VEA NO TAHITI,

Ei haaparare raa i te parau rii api e faufaa hia'i to
te mau fenua i roto i te Hau Tamaru; e neia i te mau mahana maha toa.

O te feia hoo taao, e te mau
taata e haapao i te tau
raa taao, e tia ia ia nenei
atoa hia ta ratou mau pa-
rau faaite i roto i renei
Vea, ia aufau mai ratou
1 farane no te reni hoe.

Faaau mai ia Tepito te ne-
nei parau.

Apoo raa i te mahana 17 no Tiunu.

Peretiteni raa o Tairapa.

I te hora 12 i afa i te Apoo raa.

M. Briot. Te faaite atu nei au ia outou i to
te apoo raa i te parau a te Tavana, no te faato-
roa raa ia Mare ei mono ia Arabu, te auva-
ha o te Hau i Moorea, o tei pohe aenei. Ua ite
outou, e e auvaha Mare no te Hau i Tahiti nei,
no te mea ra, ua parahi aenei oia i Moorea, e
tei reira hoi tona fetii, e tana toa raa mau haa-
pao raa, i tia'i te Tavana i te tuu i taua toroa
ra, te auvaha o te Hau no Moorea i nia iana. E
no te mea, ua riro atura o Mare, ei auvaha no
Moorea, ua maiti te tavana ia Nuutere ei auvaha
no te Hau i Tahiti, ei mono i taua toroa o Mare
ei auvaha no Moorea, ua maiti te tavana ia Nu-
utere ei auvaha no te Hau i Tahiti, ei mono i taua
toroa o Mare ra, tera te mea i tano ai to te ta-
vana manao i nia iana, no te mea, e taata ma-
ramarama maitai oia e te au maitai hia hoi e to
Tahiti nei, e no te mau ohipa maitatai hoi i rave
hia e ana. No te mea hoi, ua riro e toru tufaa to
te mau fenua i raro ae i teienei Hau Tamaru,
oia hoi Tahiti, Moorea e te Tuamotu i tia'i i te
tavana i te maiti i te hoe auvaha toa no te Hau
no taua mau fenua i te Tuamotu ra, e ua hio ae-
nei oia ia Paeore, e ua tuu i taua toroa ra i nia
iana, ei faatia hoi i te faufaa no taua mau fenua
ra i roto i teienei apoo raa iriti raa ture, e ei
haafatata raa tu i te Hau ra, e te imi raa i te
maitai e au no ratou.

Peretiteni. Te faaue nei au ia Miti Barff, e
taio atu i te ioa o te mau taata i manao hia ei
komite no te hiopoa ture, te komite no te peti-
tioni e te komite hoi no te mau aua hau, mai tei
faaite hia mai i roto i ta tatou nei ture.

M. Barff. Ua taio mai oia i te ioa o taua mau
taata ra, to te komite te hiopoa ture ra, o Mare,
Nuutere, Ote, Paeore e Fanaue.

Peretiteni. Ua tuu oia na roto i te ravea, e ua
faatia to te apoo raa, e faariro i teienei mau taa-
ta i faaite hia te ioa nei, ei komite no te hiopoa
i te mau parau ture.

M. Barff. Ua taio mai oia i te komite no te
mau petitioni, oia hoi, Hoare, Haereotahi, Ara-
hu, Maheanu, e o Tohi.

Nuutere. Te rahi nei tou marnuru i teienei
feia i parau hia nei, no te mea, e feia marama-
rama ratou, e te au maitai hoi teienei ohipa ia
ratou. Ua tia roa ia. aita e parau no ratou.

Peretiteni. Ua tuu oia na nia i te ravea, e ua
faatia to te apoo raa taatoa, e faariro i teienei
mau taata i faaite hia te ioa nei, ei komite no
te mau petitioni.

M. Barff. Ua taio mai a oia i te ioa o te mau
taata i manao hia no te komite hiopoa i te moni
i roa mai no roto i te mau aua hau ra : oia hoi,
Papaiau, Manua, Pee, Ote e o Atiau.

peretiteni. Ua tuu oia na nia i te ravea, e ua
faatia to te apoo raa taatoa e faariro ia ratou,
ei komite no te hiopoa raa i te mau moni no ro-
to i te mau aua hau.

Peretiteni. E parau teie no te iriti ture no
Meetia, e imi maitai to te Apoo raa, e ia taa mai-
tai na tavana no teienei fenua e to ratou iriti
ture.

Nuutere. Haapapu maitai mai outou e tena
mau tavana e to outou hoi arii, i te imi i te pa-
rau no teienei fenua. O Meetia teie, e pito no
Tahiti, e moti i te *uhua iti o Ana* haere roa i e
Metu; e hio maitai mai outou i teienei parau.

Tani. E hio tia tatou i tera ra tavana e faaea
mai i nia i taua fenua ra, ta tatou ia e haapao e
nana iho e maiti mai i tana iriti ture.

piapa. O Pomare, e o Tati, na fatu ia no tei-
enei fenua, e o raua iho hoi na, iriti ture; te arii
ra, ei tavana ia, e o Tati te iriti ture.

Vahia. Aita a te iriti ture i o mai i roto i tei-
enei apoo raa iriti raa ture. E i teienei, te imi
hia nei te tavana e te iriti ture no teienei fenua;
a rave maitai, e ia taa roa, ia ore tatou ia poiri
faahou.

Fanaue. E haapao tatou i te ture, mai te mea,
aore a to reira tavana i faatiahia e teienei hau,
a faarue e atu, eita toa ia e tia ia tatou ia faa-
taa noa i nei. Na te hau e faatia, e e faatoroa i te
tavana eriro ai ei tavana; a tuu tena parau i ra-
pae, e ere teie i te parau raa fenua.

Teaatoro. Aore a e iriti ture no teienei fenua
i Meetia nei i tae mai i ta tatou noi apoo raa iriti
raa ture, mai ia Lavaud mai a. Aita toa hoi e
parau no teienei fenua, no te mea, ua riro roa
ia Tati i roto i te parau raa a te tiripuna nei, ua
ere te mau fatu atoa i parau haere. E o ratou te
fatu; ua riro roa ia Tati; o te fatu iho a i teie-
nei.

Tati. E iriti ture mau ra ta teienei fenua iti i
tahito i te hau o Pomaro ra, na Pomare iho i
faatia. E imi maitai iho ra outou, e mai te mea,
eiaha ei iriti ture ra, o te reira hoi ia.

peeueue. Ua parau e noa na vau, i te tahi
mati i oti aenei, e o vau te fatu i teienei fenua,
e o tau a hoi ia parau i teienei, e imi maitai iho
ra outou, ia taa roa.

Nuutere. O te vahi e homa teie ta'u i parau
atu ia outou i te matamua ra e, a hio maitai mai
e tena mau tavana. Eita ra e tia ia tatou a imi i
teienei iriti ture, na vai teienei iriti ture ia imi

taton? O vai te fatu? O te iriti ture anae ra eia-
ha ei tavana i nia iho. Teie te parau tia, e mata
na te hau i te faaite mai ia tatou; e tera na tava-
na, o mea, e o mea. Ia faaite pabu mai te Hau
ia tatou, o Tévivi ra, o Tati ia, o Tuahu ra, o
mea ia; e ia faaite hia mai te reira, e itea noa
ia, na iriti ture ia imi tatou.

Fanaue. Eita e tia ia haere noa mai te tahi i
rotopu ia tatou nei, maori râ, ia faatia hia e te
hau, ei tavana no taua fenua ra. E mea tia ia va-
iho i teienei parau, e ia itea tu te tavana mau
ra, na te hau ia e haapao iho e e tuu mai i ro-
topu ia tatou nei; eita e tia ia tatou ia faatia 'tu
i ta Peeueue parau, e riro ia te tahi pae Tuahu i
te inoino i te reira.

Tare. Ua taio mai oia i te irava hoe no te tu-
re XXXIII e ua parau mai. E ore e tia ia tatou
ia maiti i onei, no te mea, te parau mai nei te
ture na te hui-raatira e te matacinaa e maiti i ta
ratou iriti ture.

Anahoa. Ua maiti te tavana, e te hui-raatira
i na iriti ture.

Ole. E tia toa ia tatou ia imi i teienei parau
no te mea, aore roa maramatama. E ore ou-
tou e hape ia faaite mai i to outou manao no tei-
enei parau e ta outou hoi i hinaaro ei tavana.
Te manao nei au, tei te apoo raa te imi i teienei
paraa e te faanehenehe, a tuu atu ai i te hau ra,
ia maramarama te hau. Te parau nei te tahi o
tatou nei, e e tavana tei taua fenua ra, mai te
mea i tia ia tatou, e o te tavana iho a ia, e pa-
rau noa ta tatou i te hau, e faatia tu iana.

Morre. Auanei tatou e po noa'i i te imi raa i
teienei parau Metu. Ahiri i mahora te tuaro, e i
pae hia te urua, e oti noa ia, inaha teie, ua rau
te fatu, eaha ta tatou ravea i te reira, a tuu i ra-
pae na te tiripuna e imi.

piapa. Aita vau i ite e te rarau nei. e te rahi
roa nei te fatu i te titau raa i teienei toroa hoe,
atia ra, o tei oti i te tiripuna ra, ua oti ia; e te-
na na, a tuu teie parau i rapae, eiaha tatou e
imi.

Faarapa. Te parau mai nei te hoe iriti ture,
e ua maiti hia te iriti ture, e te tavana e te hui-
raatira no taua fenua ra, ua faatia hia anei ia
tavana e te hau. Te manao nei au e mea maitai
ia tuu i rapae, e ia itea e o Tati te fatu ra, te
reira ia, o te arii ra, te reira ia.

Ei te Vea no te tapati i mua nei te toe.

NO TE MAU HAAPII RAA.

Ua rahi roa te taata i pohe haere i te mai i te
avae i mairi aenei, e te pohe noa nei a hoi tahi
pae; no reira 'tura hoi i huru faarue taua roa
hia i te mau haapii raa; ua huru ore roa hoi te
tamarii i te tae raa i reira. I teienei ra hoi, ina-
ha. ua huru pee roa aenei taua mai rahi ra. E
faatitoito faahou iho ia te mau metua e tia, i te
tono raa i ta ratou mau tamarii i te haapii raa,
eiaha hoi e vaiho noa ia ratou, ia ore haere noa
na mai te faufaa ore. Oia toa hoi te mau orome-

tua; ia ore te mau tamarii ia tae mai i te haapii
raa, e tono ia ratou i te mau mutoi, e aratai mai
ia ratou i reira. O tei pohe hoi i te mai ra, aita
ia ta tatou e parau i tei reira, e tia a ia e ia ora
etiai.

I te mahana maa i mairi aenei, i aufau hia tu
ai te tufaa moni a te mau iriti ture. Ua ite hoi te
taata 'toa e, i te matabiti i mairi aenei i rave hiai
tehoe ture, o tei tuu mai i te tufaa a te hau e
roaa mai no roto i te mauaau hau na te mau iri-
ti ture. I teienei ra, ua aufau hia aenei taua mo-
ni ra; e te toe noa nei a hoi te moni a vetahi
mau matacinaa.

Te faaite noa hia 'tu nei a to te mau mataei-
naa, mai te tuutuu ore, e aore roa 'tu e maa i
roto i te matete, e oia noa iho a hoi i teienei. Ua
ore roa aenei te taata ua afai mai i te maa. Ua
ite paatoa hoi outou e, te rahi roa nei te taata i
Papeete nei i teienei; teie atoa hoi te mau iriti
ture; mai te mea ra e, ia ore te maa ia afai hia
mai, e nahea ra ia te taata nei. Ei maa hoi ta ra-
tou e tia; e te rahi atoa nei hoi te moni. I teie-
nei ra, e faaitoito faahou te mau matacinaa, e e
afai mai i te maa, e te ia i roto i te matete. E
hoona roa hia to ratou rohirohi i te rahi o te
moni e roaa 'tu ia ratou.

*Te mau pahi i tapae mai, mai te mahana 23 mai
a no Tiunu.*

Tira hoe no Huahine o *Repe*, tapena Moino,
mai Huahine mai.

Tira toru farani o *Hanah*, tapena Redé, mai
California mai e Paumotu.

Tira piti Kili o *Express*, tapena Hoffding, mai
Valaparaíso mai.

Tira piti farani o *Ravaai*, tapena VVade, mai
Ana mai.

Te mau pahi i reva.

Tira piti farani *Adèle*, tapena Dauguet, ua re-
va i Ana.

Tira toru Kili o *Mercedes-Montes*, tapena
Lange, ua reva i Valaparaíso.

Tira piti farani o *Aorai*, tapena Taylor, ua
reva i California.

Tira hoe no Huahine o *Bepe*, tapena Moino,
ua reva i Huahine.

PARAU FAAITE.

I te moniro, te mahana 4 ote avae mua nei, i
te avatea mau, i roto i te fare o Maita (M. Fer-
gus), e hoopate ai te tomitera i te amu raa maa,
te roi, te parahi rae, te ahu, e raverahi atu a
hoi te peu rii e ae.

I to riro raa ia o tetaoa ra e afai e hia'i, e e hoc
hia taua mautaoa 'toa ra no temouo mau anaera
Papeete, te 28 Tiunu 1853.

*te tomitera papai parau,
Papahia : CH. SUE.*

Te eë no te Tavara : BRIOT.